

楚

寶

楚寶卷十六

明 梁谿高世泰彙旃父鑒定

湘潭後學周聖楷輯

同邑李馭琴較訂

交苑

庾信

庾信字子山其先南陽新野人祖易徙居江陵父肩吾梁散騎常侍中書令信幼而俊邁聰敏絕倫博覽羣書尤善春秋左氏傳身長八尺腰帶十圍容止類

然有過人者。起家湘東國常侍，轉安南府參軍。時局
吾爲梁太子中庶子，掌管記。東海徐摛爲左衛率，摛
子陵及信並爲抄撰學士。父子在東宮，出入禁闥，恩
禮莫與比隆。既有盛才，文並綺豔，故世號爲徐庾體。
焉。當時後進競相模範。每有一文，京都莫不傳誦。累
遷尚書度支郎中，通直正員郎，出爲郢州別駕。尋兼
通直散騎常侍，聘於東魏。文章辭令，盛爲鄴下所稱。
還爲東宮學士，領建康令。侯景作亂，梁簡文帝命信
率宮中文武千餘人，營於朱雀航。及景至，信以衆先

遷臺城陷後信奔於江陵梁元帝承制除御史中丞
及卽位轉右衛將軍封武康縣侯加散騎常侍驛於
魏屬大軍南討遂留長安孝閔帝踐祚累遷驃騎大
將軍開府儀同三司司憲中大夫進爵義城侯俄拜
洛州刺史信多識舊章爲政簡靜吏民安之時陳氏
與周通好南北流寓之士各許還其舊國陳氏乃請
王褒及信等十數人高祖唯放王克殷不害等信及
褒並留而不遣尋徵爲司宗中大夫世宗高祖皆周
並雅好文學信特蒙恩禮至於趙滕諸王周旋款至

有若布衣之交。羣公碑誌多相請託。唯王褒頗與信相埒。自餘文人莫有逮者。信雖位望通顯。常有鄉關之思。乃作哀江南賦。以致其意。云其叙曰。粵以戊辰之年。建亥之月。大盜移國。金陵瓦解。余乃竄身荒谷。公私塗炭。華陽奔命。有去無歸。中與道消。寤於甲戌。三日哭於都亭。三年囚於別館。天道周星。物極不反。傳變之。但悲身世。無所求生。袁安之每念王室。自然流涕。晉桓君山之志事杜元顓之生平。並有著書。咸能自序。潘嶽之文彩。始述家風。陸機之詞賦。多陳世

德○信○年○始○二○毛○卽○逢○喪○亂○藐○是○流○離○至○於○墓○齒○燕○訶○
遠○別○悲○不○自○勝○楚○老○相○逢○泣○將○何○及○與○南○山○之○雨○忽○
踐○秦○庭○讓○東○海○之○濱○遂○殮○周○粟○下○亭○漂○泊○衆○橋○羈○旅○
楚○歌○非○取○樂○之○方○魯○酒○無○忘○憂○之○用○迫○惟○此○賦○聊○以○
記○言○不○慙○危○苦○之○辭○唯○以○悲○哀○爲○主○日○暮○途○遠○人○閒○
何○世○將○軍○一○去○大○樹○飄○零○壯○士○不○還○寒○風○蕭○瑟○荆○璧○
睨○柱○受○連○城○而○見○欺○載○書○橫○階○捧○珠○盤○而○不○定○鍾○儀○
君○子○入○就○南○冠○之○囚○季○孫○行○入○留○守○西○河○之○館○申○包○
胥○之○頓○地○碎○之○以○首○蔡○威○公○之○淚○盡○加○之○以○血○釣○臺○

移○柳○非○玉○關○之○可○望○。華○亭○唳○鶴○。豈○河○橋○之○可○聞○。孫○策○
以○天○下○爲○三○分○。衆○裁○一○旅○。項○羽○用○江○東○之○子○弟○。人○唯○
八○千○。遂○乃○分○裂○。山○河○宰○割○。天○下○豈○有○百○萬○義○師○。一○朝○
卷○甲○。芟○夷○斬○伐○。如○草○木○焉○。江○淮○無○涯○岸○之○阻○。亭○壁○無○
藩○籬○之○固○。頭○會○箕○歛○者○。合○從○締○交○。鉏○耰○棘○矜○者○。因○利○
乘○便○。將○非○江○表○王○氣○。應○終○三○百○年○乎○。是○知○并○吞○六○合○
不○免○軼○道○之○災○。混○一○車○書○。無○救○平○陽○之○禍○。嗚○呼○。山○嶽○
崩○頽○。旣○履○危○亾○之○運○。春○秋○迭○代○。必○有○去○故○之○悲○。天○意○
人○事○。可○以○棲○惶○傷○心○者○矣○。况○復○舟○楫○路○窮○。星○漢○非○乘○

槎可上風。飈道阻蓬萊。無可到之期。窮者欲達其言。勞者須歌其事。陸士衡聞而撫掌。是所甘心。張平子見而陋之。固其宜矣。賦多不載。大象初。以疾去職。卒有文集二十卷。隋文帝深悼之。贈本官。加荊淮二州刺史。子立嗣。

後周書曰。周氏創業。運屬陵夷。纂遺文於既喪。聘奇士如弗及。是以蘇亮、蘇綽、盧柔、唐瑾、元偉、李昶之徒。咸奮鱗翼。自致青紫。然綽建言。務存質朴。遂糠粃魏晉。憲章虞夏。雖屬詞有師古之美。矯枉非

適時之用故莫能常行焉。既而革車電邁，渚宮雲
撒爾其荆衡杞梓，東南竹箭，備器用於廟堂者衆
矣。唯王褒、庾信、奇才秀出，牢籠于一代。是時世宗
雅詞雲委，滕趙二王雕章間發，咸築宮虛，館有如
布衣之交。由是朝廷之人，閭閻之士，莫不忌味於
遺韻，眩精於末光。猶丘陵之仰嵩岱，川流之宗溟
渤也。然則子山之文，發源千宋末，盛行千梁季，其
體以淫放爲本，其詞以輕險爲宗。故能誇目侈于
紅紫，蕩心逾于鄭衛。晉楊子雲有言：詩人之賦麗。

以則詞人之賦麗以淫若以庾氏方之斯又詞賦之罪人也。

僉載曰梁庾信從南朝初至北方文士多輕之信將枯樹賦以示之於後無敢言者時溫子昇作韓陵山寺碑信讀而寫其本南人問信曰北方文士何如信曰唯有韓陵山一片石堪共語薛道衡盧思道少解把筆自餘驢鳴狗吠聒耳而已。

楊慎曰庾信之詩爲梁之冠絕啓唐之先鞭史評其詩曰綺豔杜子美稱之曰清新又曰老成綺豔。

清○新○人○皆○知○之○而○其○老○成○獨○子○美○能○發○其○妙○余○嘗
合○而○衍○之○曰○綺○多○傷○質○豔○多○無○骨○清○易○近○薄○新○易
近○尖○子○山○之○詩○綺○而○有○質○豔○而○有○骨○清○而○不○薄○新
而○不○尖○所○以○爲○老○成○也○若○元○人○之○詩○非○不○綺○豔○非
不○清○新○而○乏○老○成○宋○人○詩○則○強○作○老○成○而○綺○豔○清
新○槩○未○之○有○子○山○者○可○謂○兼○之○矣○

宗懷

宗懷字元懷其先南陽涅陽人八世祖承永嘉之亂討陳敏有功封柴桑縣侯除宣都隄守今宣都縣卒官子孫因居江陵懷少聰令好讀書晝夜不倦譯輒引古事鄉里呼爲童子學士梁普通六年舉秀才以不及二宮元會例不對策及梁元帝鎮荊州謂長史劉之遴曰貴鄉多士爲舉一有意少年之遴以懷應命卽日引見令兼記室嘗夕被召宿省使制龍川廟碑一夜便就詰朝呈上梁元帝歎美之及移鎮江

州以懷爲刑獄參軍兼掌書記歷臨汝建成廣晉三縣令迺母憂去職哭輒毆血兩旬之內絕而復蘇者三每有羣鳥數千集於廬舍候哭而來哭止而去時論稱之以爲孝感所致梁元帝重牧荊州以懷爲別駕江陵令及帝卽位擢爲尚書侍郎封信安縣侯邑一千戶累遷吏部尚書初侯景平後梁元帝議還建業唯懷勅都渚宮以其鄉里在荊州故也及江陵陷與王褒等入關周太祖以懷名重南土甚禮之孝閔帝踐祚拜車騎大將軍儀同三司世宗卽位又與王

襄等在麟趾殿刊定羣書數蒙宴賜保定中卒有集
二十卷行於世

後周書曰索懷幹局才辭見稱于梁元之世建乎
俘囚楚甸播越秦中屬太祖思治之辰遇世宗好
士之日在朝不預政事就列纔忝戎章豈懷道圖
全優游卒歲將用與不用留滯當年乎聖楷按
懷遭遇梁元功稱佐命一旦江陵陷沒舊君之讎
遽爾愍然何其厚於親而薄於君也方寸之內忠
孝異情荆楚歲時有難乎其爲感者矣又按別傳

懷父高之先爲南臺書侍御史犯憲常坐懷顧父
釋罪終身蔬食鄉里以此稱之然識者多言其矯
也及在尙書日大進魚肉園子祭酒沛國創鼓讓
之曰本知卿不忠猶謂卿孝今日便是忠孝並無
懷莫對嗟乎世豈有不出而能孝者哉真偽之間
正自有辨

柳翥

柳翥字顧官本河東人也。晉永嘉之亂徙家襄陽。祖悵梁侍中父暉都官尚書。翥少聰敏解屬文好讀書所覽將萬卷仕梁釋褐著作佐郎後蕭翥據荊州以爲侍中領國子祭酒吏部尚書及梁國廢以無吏幹去職尋轉晉王諮議叅軍王好文雅招引才學之士諸葛穎虞世南王胄朱瑒等百餘人以充學士而翥爲之冠王以師友處之每有文什必令其潤色然後示人嘗朝京師還作題藩賦命翥爲序詞甚典麗

初王屬文爲成信體及見書後文體遂變仁壽初引
習爲東宮學士加通直散騎常侍檢校洗馬甚見親
重每召入臥內與之宴譔習尤俊辯多在侍從有所
顧問應答如響性又嗜酒言雜誅諸由是彌爲王所
親狎以其好內典令撰法華玄宗爲二十卷奏之王
大悅賞賜優洽儕輩莫比及王嗣位拜秘書監封漢
南縣公帝退朝後便命入閣言宴諷讀終日而罷帝
每與嬪后對酒時逢興會輒遣命之至與同榻共席
恩若友朋帝猶恨不能夜召於是命匠刻木爲偶人

施機關能坐起拜伏以像晉帝每在月下對酒輒令
宮人置之於座與相酬酢而爲歡笑從幸揚州遇疾
卒年六十九帝傷惜者久之贈大將謚曰康撰晉王
北伐記十五卷有集十卷行於世

聖楷曰共一隋煬也于薛道衡王胄則忌之至于
死于柳詵則寵異之至爲木偶以象其生豈人至
之好惡故有偏殊抑文人之命自致之耶然晉非
隋煬亦幾不免諸葛穎之手矣吁可畏哉嘗讀顏
之推家訓云文章之體標舉與會發引性霸使人

楚寶

矜○伐○故○忽○于○持○操○果○于○進○取○今○世○文○士○此○患○切○
一○字○愜○當○一○句○清○巧○神○麗○九○霄○志○凌○千○載○自○吟○自○
賞○不○覺○更○有○傍○人○加○以○砂○礫○所○傷○慘○于○矛○戟○諷○刺○
之○禍○速○于○風○塵○深○宜○防○慮○以○保○元○吉○嗟○乎○由○此○觀○
之○文○人○習○氣○固○未○易○除○也○然○惟○多○讀○書○厚○養○氣○庶○
幾○免○夫○

杜審言

杜審言字必簡，襄州襄陽人。晉征南將軍預遠裔擢進士，爲隰城尉。恃才高，以傲世。見嫉蘇味道，爲天官侍郎。審言集判出，謂人曰：「味道必死人。」驚問故。答曰：「彼見吾判，且羞死。」又嘗語人曰：「吾文章當得屈宋作衙官，吾筆當得王羲之北面。」其矜誕類此。累遷洛陽丞，坐事貶吉州司戶參軍。司馬周季重司戶郭若訥構其罪，繫獄將殺之。季重等酒酣，審言子并年十三，裹刃刺季重於坐。左右殺并。季重將死，曰：「審言有孝。」

子○吾○不○知○若○訥○故○誤○我○審○言○免○官○還○東○都○蘇○題○傷○并○
孝○烈○誌○其○墓○劉○允○濟○祭○以○文○後○武○后○召○審○言○將○用○之○
問○曰○卿○喜○否○審○言○蹈○舞○謝○后○令○賦○歡○喜○詩○歎○重○其○文○
授○著○作○佐○郎○遷○膳○部○員○外○郎○神○龍○初○坐○交○通○張○易○之○
流○峯○州○入○爲○國○子○監○主○簿○修○文○館○直○學○士○卒○大○學○士○
李○嶠○等○奏○請○加○贈○詔○贈○著○作○郎○初○審○言○病○甚○宋○之○問○
武○平○一○等○省○候○何○如○答○曰○甚○爲○造○化○小○兒○相○苦○尚○何○
言○然○吾○在○父○歷○公○等○今○且○死○固○大○慰○但○恨○不○見○替○人○
云○少○與○李○嶠○崔○融○蘇○味○道○爲○文○章○四○友○世○號○崔○李○蘇○

杜融之、以審言爲服總麻云

宋之問祭杜學士審言文曰、嗚呼位曰天寶、十曰
天爵、鮮業備而官成、多聲高而命薄、屈原不終於
楚相、楊雄自投於漢閣、代生人而豈無人、違代而
咸若、運鍾唐虞、崇文寵儒、國求至寶、家獻靈珠、後
俊有王、楊盧賂繼之以子跡、雲衢王也、才參卿於
西陟、楊也終遠、宰於東吳、盧則哀其栖山而臥疾、
賂則不能保族而全軀、由運然耶、箕以福壽自衛、
將神忌也不得、華寶斯俱、惟靈昭昭、度越諸子、言

必得雋意常通理其含潤也若和風欲曙搖露氣
於春林其秉鑑也似涼雨半晴懸日光於秋水衆
轍同遵者攢落羣心不際者探擬人也不幸而則
亾名兮可大而不死君之栖遑自肯迷方逢時泰
兮欲達聞數奇兮自傷屬文母之不運應才子之
明歎援淪秀於蘭畹待遊仙於栢梁命以著作拜
之爲郎始翔鸞於清列旋禦魑於炎荒遺嫁鴈兮
超彭蠡作編人兮居越裳殊許靖之新適憶虞舜
之舊鄉惟皇龍興再施法度拂洗溟渤霽翔雨露

通籍於八舍禁門。搖筆於萬年芳樹。仰赤墀兮非
遠。謂白首兮方遇。君病何病。到此彌留。藥雖餌兮
寧愈。鍼不及兮增憂。雖則妙醫。莫識寶冀。明神獲
瘳。嗚呼哀哉。君之將亾。其言也善。余向十旬。日或
臥展。君感斯意。贈言宛轉。識金石之契。密悔文章
之交。淺命子誠妻。旣懇且辨。自予與君。弱歲遊執
文翰。共許風露相浥。况窮海兮同竄。復文房兮並
入。川流遽閔。隙電初過。咎乘運兮如此。今造冥兮
若何。懷君曄兮念已。積念君恩。惠兮情倍。多道

之南宅困之東栗使君孤之有餘靈我家之不足
籍籍流議喧喧薄俗名全每困於鑠金身沒誰恨
其埋玉空落長松千尺詎置生芻一束倬彼韋公
贈殷禮繡善乎崔子理感情屬相識有素兒覽增
最澄君詞賦於雲臺之上藏君齒髮於侯山之曲
緱氏山兮山上雲秦城郊兮郊外墳孟冬十日兮
其歸君君有靈兮聞不聞我咀璫屑君知自夕坐
泣焚芝蓬哀畫柳闕視祖載爰奠卮酒願歆悲誠
將告良友

唐文藝傳曰初中宗景龍二年始於修文館置大學士四員學士八員直學士十二員象四時八節十二月於是李嶠宗楚客趙彥昭韋嗣立爲大學士李適劉憲崔湜鄭愔盧藏用李乂岑羲劉子玄爲學士薛稷馬懷素宋之問武平一杜審言沈佺期閻朝隱爲直學士又召徐堅韋元旦徐彥伯劉允濟等備員其後被選者不一凡天子饗會游豫唯宰相及學士得從春幸梨園并渭水被除則賜細柳園辟雍夏宴蒲萄園賜朱櫻秋登慈恩浮圖

獻○菊○花○酒○稱○壽○冬○幸○新○豐○歷○白○鹿○觀○上○驪○山○賜○浴○
湯○池○給○香○料○開○澤○從○行○給○翔○麟○馬○品○官○黃○衣○各○一○
帝○有○所○感○卽○賦○詩○學○士○皆○屬○和○當○時○人○所○歆○慕○然○
皆○狎○猥○佻○倭○忘○君○臣○禮○法○惟○以○文○章○取○幸○云○

杜易簡

杜易簡者，審言從祖兄也。九歲能屬文，長博學，爲岑文本所器，擢進士補渭南尉。咸亨初入殿中侍御史，嘗道遇吏部尚書李敬玄，不避，敬玄恨，召爲考功員外郎，屈之。而侍郎裴行儉與敬玄不平，故易簡上書言敬玄罪。敬玄曰：「襄陽兒輕薄，」乃爾。因奏易簡險躁。高宗怒，貶開州司馬。

聖楷曰：嘗見唐科第題名考，高宗咸亨元年進士五十四人，狀元杜易簡，進士杜審言、杜氏科名亦

云盛矣。易簡有集二十卷。又有御史臺雜注五卷。
今皆不傳。其湘川新曲一首。清婉可誦。附錄之云。
二八相招。攜采菱度前溪。弱腕隨機起。纖腰向舸。
低。自解看花笑。憎聞染竹啼。又續通典云。御史臺。
侍御史廳前有古栢兩株。杜弼簡爲之贊云。爰有。
貞栢。徙植清臺。蔚條霜勁。蠶葉風開。始逢鵲喜。終。
見鳥來。

劉孝孫

劉孝孫者，荊州人。祖貞，周石臺太守。孝孫少知名。大業末，爲王世充弟杞王辯行臺郎中。辯降，衆引去。獨孝孫攀援號慟，送于郊。貞觀六年，遷著作佐郎。吳王友歷諮議參軍，遷太子洗馬，未拜卒。

新唐書曰：武德四年，太宗爲天策上將軍，寇亂稍平，乃鄉儒官城，西作文學館，收聘賢才。於是下教以杜如晦、房玄齡于志寧、蘇世長、薛收、褚亮、姚思廉、陸德明、孔穎達、李玄道、李守素、虞世南、蔡允恭。

顏相時許敬宗薛元敬蓋文達蘇勗並以本官爲
學士七年收卒復召東虞州錄事參軍劉孝孫補
之凡分三番遞宿于閣下悉給珍膳每暇日訪以
政事討論墳籍權署前載無常禮之閒命閣立本
圖象使亮爲之贊題名字爵里號十八學士藏之
書府以章禮賢之重方是時在選中者謂之登瀛
洲聖楷按劉孝孫集三十卷又有二儀實錄一
卷隋開皇曆一卷七曜雜術二卷古今類聚詩苑
三十卷俱載唐藝文志

歐陽詢

子通附

歐陽詢字信本，潭州臨湘人。父紇，陳廣州刺史。以誅
反誅詢，當從坐，匿而免。江總以故人子，私養之。貌寢
俛，敏悟絕人。總教以書記，每讀輒數行，同盡遂博貫。
經史仕隋，爲太常博士。高祖微時，數與游。既卽位，累
擢給事中。詢初倣王羲之書，後險勁過之。因自名其
體尺牘，所傳人以爲法。高麗嘗遣使求之，帝歎曰：彼
觀其書，固謂形貌魁梧邪？嘗行見索靖所書碑，觀之
去數步復返。及疲，乃布坐至宿。其傍三日，乃得去其

楚寶

所嗜類此。貞觀初，歷太子率更令、弘文館學士，封渤海男。卒，年八十五。子通，儀鳳中累遷中書舍人，居喪，喪詔奪哀，每入朝，徒跣及門，夜直，籍禁以寢，非公事，不語還家。輒號慟，年饑，未克葬，居廬四年，不釋服。冬，月，家人以糗絮潛置席下。通覺，卽徹去，累遷殿中監，封渤海子。天授初，轉司禮卿，判勅言事，輔政月餘，會鳳閣舍人張嘉福請以武承嗣爲太子，通與岑長倩等固執忤諸武意，及長倩下獄，坐大逆，死。來俊臣并引通同謀，通雖被慘毒，無異詞。俊臣代占諫之神龍。

初○追○復○官○爵○通○蚤○孤○母○徐○教○以○父○書○懼○其○隋○嘗○遺○錢○
使○市○父○遺○跡○通○乃○刻○意○臨○倣○以○求○售○數○年○書○亞○於○詢○
父○子○齊○名○號○大○小○歐○陽○體○禘○遂○良○亦○以○書○自○名○嘗○問○
虞○世○南○曰○吾○書○何○如○智○永○答○曰○吾○聞○彼○一○字○直○五○萬○
君○豈○得○此○曰○孰○如○詢○曰○吾○聞○詢○不○擇○紙○筆○皆○得○如○志○
君○豈○得○此○遂○良○曰○然○則○何○如○世○南○曰○君○若○手○和○筆○調○
固○可○貴○尚○遂○良○大○喜○通○晚○自○矜○重○以○狸○毛○爲○筆○覆○以○
兔○毫○管○皆○象○犀○非○是○未○嘗○書○

唐紀曰武德元年九月上於弘文殿聚四部書二

十餘萬卷置弘文館於殿側精選天下文學之士
虞世南褚亮姚思廉歐陽詢蔡允恭蕭德言等以
本官兼學士令夏日宿直聽朝之隙引入內殿講
論前言往行商確政事或至夜分乃罷聖楷按
歷代文章自漢以來史官列其名氏篇第以爲六
藝九種七畧至唐始分爲四類曰經史子集以甲
乙丙丁爲次謂之四庫書亦曰四部其本有正有
副軸帶帙籤皆異色以別之凡購天下書以千錢
購書一卷選五品以上子孫工書者爲書手繕寫

藏于四庫以宮人掌之又修書局太府月給蜀
麻紙五千番季給上谷墨三百三十六斤歲給河
間景城濟河博平四縣兔千五百皮爲筆材故其
藏書之盛極于一時其著錄者五萬三千九百一
十五卷而唐之學者自爲之書又一萬八千四百
六十九卷歐陽詢嘗被命撰藝文類聚凡一百卷
其書至今行之

廣川書跋曰書必托於筆以顯則筋骨肉理皆筆
之所寄也率受于筆特未嘗擇而皆得佳趣故當

是絕藝。蓋其所寄者心耳。論者謂飛白冠絕有龍蛇戰鬪之象。雲霧輕飄之勢。真行出于大令。森森焉若武庫矛戟。至使智永奪氣。信乎書妙至此極者。然飛白篆書。世不復傳。今收真行章草。可見知畧無勁敵。非虛語也。

聖楷曰。大小歐陽爲子。潭州人。然問之潭州人。無一知者。亦大可歎也。湖南書法久絕。卽神禹碣北海碑。巍然峙于嶽麓。尙不辨爲宋以後重刻。况其他乎。嘗攷古法帖譜系。有虞曆長沙帖。爲丞相劉

沈帥潭日以淳化官帖命錢希白模刻于魏齋者
亦謂之潭帖此外又有長沙別本私第本新刻本
俱稱墨妙蜀人秦子明摹之練兵於長沙日乃買
石摹刻僧寶月古法帖十卷載歸黔江其時刻石
者爲潭人湯正臣併二子仙芝霧芝黃山谷跋秦
氏所置法帖云湯正臣父子皆善摹刻得于手而
應于心○近古○人用筆意嗟乎當時刻工尚有如此
妙手何今昔之不相及一至此耶○董思白太史云
歐陽信本有楚辭諸帖刻于長沙今亦未聞然則

今人不及古人且併令古人遺蹟亦與寒煙同滅
沒可勝歎哉

席豫

席豫字建侯，襄州襄陽人。後周呂州刺史固七世孫。後徙河南，長安中舉學兼流，署詞擢文場科，擢上第。時年十六，以父喪罷，復舉手筆俊拔，科中之補襄邑尉。奏事闕下，會節愍太子難，安樂公主請為皇太女。豫曰：「咎梅福上書譏后族，彼何人哉？」乃上疏請立皇太子。語深切，人為寒懼。太平公主聞其名，將表為諫官。豫恥汗詖，謂遁去。俄舉賢良方正異等，為陽翟尉。開元初，觀察使薦豫賢，遷監察御史，出為樂壽令。前

令以親喪解而豫母病訴諸朝改懷州司倉參軍復
舉超拔羣類科會母喪去服除授大理丞遷考功員
外郎遷爲中書舍人與韓休許景先徐安貞遜逃名
相甲乙出爲鄭州刺史韓休輔政舉代已入拜吏部
侍郎玄宗曰卿前日考功職祥事允故有今授豫興
選六年拔寒遠士多至臺閣當時推知入號席公云
天寶六載進禮部尙書累封襄陽縣子凡四以使者
按行江南江東淮南河北南方俗死不葬暴骨中野
豫教以理欵明列科防俗爲之改豫清直無欲當官

不爲勢權所撼性謹與子弟屬吏書不作草字或曰此細事耳何留慮答曰細不謹況大事邪及疾篤遺令三日歛歛已卽葬勿久留以贖公私費不足可賣居宅以終事卒年六十九贈江陵大都督謚曰文帝嘗登朝元閣賦詩羣臣屬和帝以豫詩策工詔曰詩人之冠冕也第晉亦以文名當時

唐二公主考

聖楷按安樂公主中宗幼女帝遷房陵而生解衣以褓之名褻兒妹秀辯敏后尤愛之下嫁武崇

訓帝復位光豔動天下侯王卿臣多出其門常自
爲制勅掩其文令上署之上笑而從之竟不視也
又私請廢太子立己爲皇太女上雖不從亦不譏
責與太平等七公主皆開府而主府官屬尤濫常
請昆明池爲私沼不得乃自鑿定昆池延袤數里
以抗之崇訓死主素與武延秀亂卽嫁之後臨淄
王誅韋后主方覽鏡作睂爲亂兵所斬
太平公主則天皇后所生后愛之傾諸女榮國夫
人死后主爲道士以幸冥福久之主衣紫袍玉

帶折上巾具紛礪歌舞帝前帝及后大笑曰兒不
爲武官何遽爾王曰以賜駙馬可乎帝識其意擇
薛紹尙之紹死后殺武攸暨妻以配王王方額廣
頤沈敏多權畧武后以爲類已頗得預密謀中宗
之世韋后安樂公主皆畏之後卒以謀廢太子賜
死于第

李邕

李邕字泰和，其先江夏人。父善淹，貫經籍。梁顯慶中，兼沛王侍讀，注昭明太子文選。邕少知名，謁特進李嶠，願讀秘書。嶠曰：「秘閣萬卷，豈時日能習耶？」邕固請，乃假直秘書。未幾，辭去。嶠驚，試問奧篇隱帙，了辯如響。嶠歎曰：「子且名家。」嶠爲內史，與監察御史張廷珪薦邕。文高氣方，直才任諫諍，乃召拜左拾遺。御史中丞宋璟劾張昌宗等反狀，武后不應。邕立階下，大言曰：「璟所陳社稷大計，陛下當聽。」后色解，即可。璟奏邕

出武讓曰子位卑一忤忤禍不測邕曰不如是名亦
不傳中宗立鄭普思以方技幸擢秘書監邕諫曰陛
下躬政日淺有九重之嚴未聞道路橫譏今籍籍皆
言普思馮詭惑說妖祥陛下不知猥見驅使孔子曰
詩三百一言以蔽之曰思無邪陛下誠以普思術可
致民生則爽鳩氏且因之永有天下非陛下乃今可
得能致神人邪秦漢且因之永有天下非陛下乃今
可得能致佛法邪梁武帝且因之永有天下非陛下
乃今可得能鬼道邪墨翟子寶且各獻其玉永有天

下非陛下乃今可得自古堯舜稱聖者臣觀所以行
皆在人事敦睦九族平章百姓不聞以鬼神道治天
下惟陛下省察不納五王誅坐善張柬之出爲南和
令貶富州司戶叅軍事韋氏平召拜左臺殿中侍御
史彈劾任職入頗憚之遷戶部員外郎岑義崔湜惡
崔日用而邕與之交玄宗在東宮邕及崔隱甫倪若
水同被禮遇義等忌之貶邕舍城丞玄宗卽位召爲
戶部郎中張廷珪爲黃門侍郎而姜皎方幸乃援邕
爲御史中丞姚崇疾邕陰躁左遷括州司馬起爲陳

州刺史帝封泰山還邕見帝汴州詔獻詞賦帝悅然
矜肆自謂且宰相邕素輕張悅與相惡會仇人告邕
贓貸枉法下獄當死許昌男子孔璋上書天子曰明
主舉能而捨過取才而棄行烈士抗節勇者不避死
故晉用林父不以過漢任陳平不以行禽患隕身不
祈生北郭碎首不愛死向若林父誅陳平死百里不
用嬰嬰見逐是晉無赤狄之土漢無天子之尊秦不
彊齊不霸矣伏見陳州刺史邕剛毅忠烈難不苟免
往者折二張之角挫韋氏之鋒雖身受謫屈而姦誅

沮○解○卽○邕○有○功○於○國○且○邕○所○能○者○拯○孤○恤○窮○救○乏○贖○
惠○家○無○私○聚○今○聞○坐○臧○下○吏○死○在○旦○夕○臣○聞○生○無○益○
於○國○者○不○若○殺○身○以○明○賢○臣○願○以○六○尺○之○軀○膏○斧○鉞○
以○代○邕○死○臣○與○邕○生○平○不○款○曲○臣○知○有○邕○邕○不○知○有○
臣○臣○不○逮○邕○明○矣○夫○知○賢○而○舉○仁○也○任○人○之○患○義○也○
獲○二○善○以○死○臣○又○何○求○伏○惟○陛○下○寬○邕○之○死○使○率○德○
改○行○興○林○父○曲○逆○之○功○臣○得○瞑○目○附○會○息○北○郭○之○述○
大○願○畢○矣○若○以○陽○和○方○始○重○行○大○戮○則○臣○請○伏○劍○不○
敢○煩○有○司○皇○天○后○土○實○聞○臣○言○苟○吳○楚○反○漢○得○劇○孟○

則不憂。夫以一賢而敵七國之衆，伏惟敷舍垢之迹。棄瑕之義，遠思劇孟，近取於邕。况告成岱宗，天地暨新，赦而復論人，誰無罪惟明王圖之。臣聞士爲知己者，死臣不爲死者所知而甘之死者，非特惜邕賢亦以成陛下矜能之慈。疏奏邕得戒死，貶遷化尉，流瑯嶺南。邕妻溫復爲邕請戍邊，自贖曰：「邕少習文章，疾惡如讎，不容於衆邪妄切齒諸儒，側目頻謫，遠羈削跡，朝端不啻十載歲時，歎息聞者傷懷。」屬國家有事，泰山法駕旋路，邕獻牛酒，例蒙恩私。妾聞正人用則

俟人憂邕之禍端故自此始且邕比任外官率無一
毀天意暫顧罪過旋坐諺曰士無賢不向入朝見疾
惟陛下明察邕初蒙訊責便繫牢戶水不入口者踰
五日氣息奄奄惟吏是聽事生吏口迫邕手書貸人
蠶種以爲枉法市羅貢奉指爲新贓於時醒朝堂
守捉嚴固號天訴地誰肯爲聞泣血去國投骨策爵
永無還期妾願使邕得充一卒効力王事膏塗朔邊
骨糞沙壤成邕夙心表入不省邕後從中人楊思勗
討嶺南賊有功徙澧州司馬開元二十三年起爲括

州刺史喜興利除害復坐誣枉且得罪天子識其名
詔勿劾後歷淄滑二州刺史上計京師始邕蚤有名
重義愛士久斥外不與士大夫接既入朝人間傳其
名目環與至阡陌聚觀後生望風內謁門巷填隘中
人臨問索所爲文章且進上以譏嫉不得留出爲汲
郡北海太守天寶中左驍衛兵曹參軍柳勣有罪下
獄邕嘗遺勣馬故吉溫使引邕嘗以休咎相語陰賂
遺宰相李林甫素忌邕因傳以罪詔刑部員外郎祁
順之監察御史羅希奭就罷杖殺之時年七十代宗

時○贈○秘○書○監○邕○之○文○於○碑○頌○是○所○長○入○奉○金○帛○請○其○
文○前○後○所○受○鉅○萬○計○邕○雖○詘○不○進○而○文○名○天○下○時○稱○
李○北○海○盧○藏○用○嘗○謂○邕○如○千○將○莫○邪○難○與○爭○鋒○但○虞○
傷○缺○耳○後○卒○如○言○杜○甫○知○邕○負○謗○死○作○八○哀○詩○讀○者○
傷○之○

杜○甫○八○哀○詩○江○夏○李○公○造○曰○長○嘯○宇○宙○問○高○才○日○
陵○替○古○人○不○可○見○前○輩○復○誰○繼○憶○昔○李○公○存○詞○林○
有○根○柢○聲○華○當○健○筆○灑○落○富○清○製○風○流○散○金○石○追○
琢○山○嶽○銳○情○第○造○化○理○學○貫○天○人○際○干○謁○走○其○門○

碑版昭四裔。各滿深望。還森然起。凡例蕭蕭白楊。
路洞徹寶珠。蔥龍宮塔。廟湧浩判。浮雲衛宗儒。俎
豆事故吏。去思計眎。睠已皆虛。跋涉會不泥。向來
映當時。豈獨勸後世。豐屋珊瑚鉤。麒麟織成罽。紫
駟隨劍几。義取無虛歲。分宅脫驂間。感激懷未濟。
衆。歸。賄。給。美。擺。落。多。藏。穢。獨。步。四。十。年。風。聽。九。泉。
嘆。嗚。呼。江。夏。姿。竟。掩。宣。尼。袂。往。者。武。后。朝。引。用。多。
寵。嬖。否。臧。太。常。議。而。折。二。張。勢。衰。俗。凜。生。風。排。蕩。
秋。晏。霽。忠。貞。負。冤。恨。宮。闕。深。流。綴。放。逐。蚤。聯。翩。低。

垂困炎癘。日斜鵬鳥入。魂斷蒼梧帝。榮枯不暇。
星駕無安稅。幾分漢庭竹。風擁文侯簞。終悲洛陽。
獄事近小臣。斃禍階初負。謗易力何深。嶢伊苟臨。
潯亭酒酣託末契。重敘東都別。朝陰改軒砌。論文。
劉崔蘇指盡流水。逝近伏盈川。雄未甘特進。麗是。
非張相國相。扼一危脆。爭名古豈然。鍵捷歛不閑。
例及吾家詩。曠懷掃氛翳。慷慨嗣真作。咨嗟玉山。
桂鍾律儼高懸。鯨鯢噴迢遞。坡陀青州血。蕪沒汶。
陽瘞哀贈。竟蕭條恩波。延揭厲子孫。存如綫舊客。

舟○疑○滯○君○臣○尚○論○兵○將○帥○接○燕○薊○朗○詠○六○公○篇○愛○
來○豁○蒙○蔽○聖○楷○按○趙○明○誠○金○石○錄○云○唐○六○公○詠○
李○邕○撰○文○辭○高○古○真○一○代○佳○作○也○六○公○者○五○王○張○
東○之○等○各○爲○一○章○狄○丞○相○爲○一○章○
唐○志○曰○李○邕○義○烈○英○邁○正○直○詞○辨○文○章○書○翰○號○翰○
林○六○絕○

書○法○苑○曰○李○邕○書○始○變○右○軍○行○法○頓○挫○起○伏○李○陽○
冰○謂○之○書○中○仙○手○

聖○楷○曰○李○北○海○邕○之○先○自○高○陽○侯○就○至○六○世○孫○式○

仕晉爲侍中皆居江夏其後孫元哲乃徙廣陵元
哲生善善生邕邕之再居江夏不可知然新唐書
儒學傳曰曹憲揚州江都人始以梁昭明太子文
選授諸生而同魏模公孫羅江夏李善相繼傳
授於是其學大興按此則善與邕仍當係之江夏
作江都者非也又李白題江夏修靜寺曰我家北
海宅作寺南江濱空庭無玉樹高殿坐幽人書帶
留青草琴堂羃素塵平生種桃李寂滅不成春汪
云此寺是梁北海舊宅今修靜寺在洪山西菴之

東董宗伯其畧曰長沙嶽麓寺有李北海碑李
江夏人其爲楚書碑惟此又曰北海在當時特以
文名後乃爲書所掩

聖稽又按晁氏讀書記云李善江夏人高宗時爲
弘文學士博學經史百家無不備覽而無文時入
謂之書簾嘗爲昭明文選輯註博引經史釋事而
忘其義書成上進問其子邕邕無言善曰非耶爾
當正之於是邕更加以義釋解精於五臣今釋事
加義者兩存焉

杜甫

杜甫字子美，襄陽人。少貧，不自振。客吳越、齊、趙間，李邕奇其材，先往見之。舉進士，不中第。困長安，天寶三載，玄宗朝獻太清宮，饗廟及郊。甫奏賦三篇，帝命宰相制集賢院，命宰相試文章。擢河西尉，不拜。改右衛率府胄曹參軍。數上賦頌，因高自稱道，且言先臣恕預以來，承儒守官十一世，迨審言以文章顯。中宗時，臣賴緒業，自七歲屬辭，且四十年，然衣不葢體，常寄食於人，竊恐轉死溝壑，伏惟天子哀憐之。若令

執先臣故事拔泥塗之久辱則臣之述作雖不足鼓
吹六經至沈鬱頓挫隨時敏給楊雄枚舉可企及也
有臣如此陛下其忍棄之會祿山亂天子入蜀甫避
走三川肅宗立自鄜州羸服欲奔行在爲賊所得至
德二年臣走鳳翔上謁拜右拾遺與房琯爲布衣交
琯時敗陳濤斜又以客董廷蘭罷宰相甫上疏言罪
細不宜免大臣帝怒詔三司雜問宰相張鎰曰甫若
抵罪絕言者路帝乃解甫謝且稱琯宰相子少自憐
立爲醇儒有大臣體時論許琯不堪公輔陛下果委

而相之觀其深念主憂義形於色然性失於簡酷嗜
鼓琴廷蘭託瑄門下貧疾昏老依倚爲非瑄愛惜人
情一至玷汙臣歎其功名未就志氣挫衄覬陛下察
細錄大所以冒死稱述涉近訐激違忤聖心陛下赦
臣百死再賜骸骨天下之幸非臣獨蒙然帝自是不
甚省錄時所在寇奪甫家寓鄜彌年難窶孺弱至餓
死因許甫自往省視從還京師出爲華州司功參軍
關輔饑輒棄官去客秦州負薪採橡栗自給流落劍
南結廬成都西郭召補京兆功曹參軍不至會嚴武

節度劍南東西川往。侯焉。武再帥劍南，表爲參謀檢校工部員外郎。以世舊待甫甚善，親至其家，甫見之。或時不巾而性褊躁，傲誕嘗醉登武牀，瞪視曰：「縱挺之，乃有此兒。」武亦暴猛，外若不爲忤，中銜之一日，欲殺甫。及梓州刺史章彝集吏於門，武將出，冠鉤於簾，三左右白：「其母奔救得止。」獨殺彝。武卒，崔旰等亂，甫往來梓、夔間。大曆中，出瞿唐，下江陵，泝沅湘，以登衡山。因客耒陽，游獄祠，大水遽至，涉旬不得食。縣令具舟迎之，乃得還。令嘗饋牛炙白酒，大醉一夕卒。年五

十九甫曠放不自校好論天下大事高而不切少與
李白齊名時號李杜嘗從白及高適過汴州酒酣登
吹臺慷慨懷古人莫測也數嘗冠亂挺節無所汙爲
歌詩傷時挽弱情不忘君人憐其忠云

新唐書贊曰唐興詩人承陳隋風流浮靡相矜至
宋之問沈佺期等研揣聲音浮切不差而號律詩
競相襲公逮開元間稍裁以雅正然恃華者質反
好麗者壯違人得一槩皆白名所長至甫渾涵汪
茫千彙萬狀兼古今而有之它人不足甫乃厭餘

殘膏剩馥沾焉後人多矣故元稹謂詩人以來未
有如子美者甫又善陳時事律切精深至千言不
少衰世號詩史昌黎韓愈於文章慎許可至歌詩
獨推曰李杜文章在光燄萬丈長誠可信云
元稹唐工部員外郎杜君墓銘敘曰予讀詩至杜
子美而知小大之有所總萃焉始堯舜時君臣以
賡歌相和是後詩人繼作歷夏殷周千餘年仲尼
緝○拾○選○練○其○干○預○教○化○之○尤○者○三○百○其○餘○無○聞○焉○
騷人作而怨憤之態繁然猶去風雅日近尙相比

擬秦漢以還採詩之官既廢天下妖謠民謳歌輒
諷賦曲度嬉戲之詞亦隨時間作逮至漢武賦相
梁而七言之體具蘇子卿李少卿之徒尤工爲五
言雖句讀文律各異雅鄭之音而詞意簡遠指事
言情自非有爲而爲則文不妄作建安之後天下
文士遭罹兵戰曹氏父子鞍馬間爲文往往橫槊
賦詩故其道文壯節抑揚冤哀存離之作尤極於
古晉世風繁稍存宋齊之間教失根本士以簡慢
矯飾相尚文章以風容色澤放曠精清爲高蓋吟

寫性露流連光景之文也。意義格力無取焉。陵遲
至於梁陳淫豔刻飾佻巧小碎之詞劇。又宋齊之
所不取。唐興官學大振歷世之文能者互出。而又
沈宋之流研練精切穩順聲勢。謂之爲律詩。由是
而後文變之體極焉。然而好古者遺近務華者去
實。効齊梁則不逮於魏晉。工樂府則力屈於五言。
律切則骨格不存。閒暇則纖穠莫備。至於子美蓋
所謂上薄風騷下該沈宋古傍蘇李氣奪曹劉掩
顏謝之孤高雜徐庾之流麗盡得古今之體勢而

兼人入之所獨專矣。時山東人李白亦以奇文取稱。時人謂之李杜。予觀其壯浪縱恣。擺去拘束。模寫物象。及樂府歌詩。誠亦差次也。至若鋪陳終始。排比聲韻。大或千言。次猶數百。詞氣豪邁。而風調清深。屬對律切。而脫棄凡近。則李尚不能歷其藩翰。况堂與乎。予嘗欲件拆其文體。別相附與。來者爲之。准特病懶。未就。適子美之孫嗣業啓子美之柩。襄祔事於偃師。次於荆雅。知子愛言其大父爲文。拜予爲誌。辭不可絕。予因係其官閣。而銘其卒。

堊云係曰晉當陽成侯姓杜氏下世而生依藝余
於藝依藝生審言善詩官至膳部員外郎審言生
閑閑生甫閑爲奉天令甫字子美天寶中獻三大
禮賦明皇奇之命宰相試文文善授甫曹屬京師
駢步謁行在拜左拾遺歲餘以直言失官出爲華
州司功尋遷京兆功曹劍南節度使嚴武拔爲工
部員外叅軍事旋又棄去扁舟下荆楚間竟以寓
卒旅殯岳陽享年五十九夫人弘農楊氏女父曰
司農少卿怡四十九年而終嗣子曰宗武病不寬

葬歿命其子嗣業嗣業貧無以給喪收拾乞丐焦
勞晝夜去子美歿後餘四十年然後卒先人之志
亦足爲難矣銘曰維元和之癸巳粵某月某日之
佳辰合窆我杜子美於首陽之前山嗚呼千歲而
下曰此文先生之古墳

聖楷曰杜子美卒葬時地元稹叙之甚詳今楚志
云杜甫墓在耒陽可刪但子美生於楚葬於洛人
多不解其故宋延清祭審官文亦云藏君齒髮於
緱山之曲緱山首陽皆在偃師縣蓋祔祖以葬自

是杜氏家法觀杜征南遺令可見

宛委餘編曰偶閱張伯雨贈紐憐太監詩跋云曾
疏請以蜀文翁之石室楊雄之墨池杜甫之草堂
皆列祀典又爲甫請得賜諡曰文貞虞奎章集紀
其事按元史有紐憐傳而不載此事又杜甫之諡
文貞亦出奇聞

孟浩然

孟浩然字浩然襄陽人也骨貌清風神散朗救患
釋紛以立義表灌蔬藝竹以全高尚交游之中通脫
傾蓋機警無匿學不爲儒務掇菁藻文不按古匠心
獨妙五言詩天下稱其盡美矣閒遊秘省秋月新霽
諸英華賦詩作會浩然句曰微雲淡河漢疎雨滴梧
桐舉坐嗟其清絕咸閣筆不復爲繼丞相范陽張九
齡侍御史京兆王維尙書侍郎河東裴朏范陽盧僎
大理評事河東裴總華陰太守鄭倩之守河南獨孤

策率與浩然爲忘形之交。山南採訪使本魏守昌黎韓朝宗謂浩然間代清律。寘諸周。每必咏穆如之頌。因入秦與偕行。先揚於朝。與期約日。弼譟及期。浩然會寮友文酒講好。甚適。或曰。子與韓分預諾而忘之。無乃不可。浩然叱曰。僕已飲矣。身行樂耳。遑恤其他。遂畢席不赴。由是間罷。旣而浩然亦不之悔也。其好樂忘名如此。士源他時嘗筆讚之曰。導漾挺露寔生楚英。浩然清發亦其白名。開元二十八年王昌齡遊襄陽時浩然疾病發背且愈相得歡甚。浪情宴譔食。

鮮疾動終于台城南園年五十有二子曰儀甫浩然
文不爲仕佇興而作故或遲行不爲飾動以求真故
似誕遊不爲利期以放性故常貧名不繼于選部張
不盈于擔石雖屢空不給而自若也浩然凡所屬綴
就輒毀棄無復編錄常自歎爲文不逮意也流落旣
多篇章散逸鄉里購採不有其半數求四方往往而
獲旣無他事爲之傳次遂使海內衣冠縉紳經襄陽
思覩其文蓋有不備見而去惜哉今集其文詩二百
一十八首分爲四卷云

皮日休郢州孟亭記曰明皇世章句之風大得建安體論者推李翰林杜工部爲之尤介其間能不愧者惟吾鄉之孟先生也先生之作遇思入詠不抱奇抉異齷齪束人口者涵涵然有干霄之興若公輸氏當巧而不巧者也北齊美蕭慤有美容露下落楊柳月中踈先生則有微雲淡河漢踈雨滴梧桐樂府美王融日霽沙嶼明風動甘泉濁先生則有氣蒸雲夢澤波動岳陽城謝朓之詩句精者有露濕寒塘草月映清淮流先生則有荷風送香

氣竹露滴清聲此與古人爭勝于毫釐也稱是者
衆不可悉類嗚呼先生之道他復何言耶謂乎貧
則天爵于身謂乎死則不朽于文爲士之道亦已
至矣先生襄陽人也曰休襄陽人也旣慕其名亦
觀其貌蓋仲尼思文王則嗜昌歎七十子思仲尼
則思有若吾於先生見之矣說者曰王右丞筆先
生貌于郢之亭每有觀之志四年榮陽鄭公誠刺
是州余將抵江南艤舟而請之果以文見責則先
生之貌縱視矣先亭之名取先生之諱公曰焉有

賢○者○之○名○趨○縣○走○養○朝○夕○言○於○刺○史○前○耶○命○易○之○
以○先○生○姓○曰○休○時○在○宴○因○曰○春○秋○書○紀○季○公○子○友○
仲○孫○湫○字○者○貴○之○也○故○書○名○曰○貶○書○字○曰○貴○况○以○
賢○者○名○署○于○亭○乎○君○子○是○以○知○公○樂○善○之○深○也○百○
祀○之○弊○一○朝○而○去○則○民○之○弊○也○去○之○可○知○矣○見○善○
不○書○非○聖○人○之○志○宴○豆○能○徹○立○而○爲○文○咸○通○四○年○
四○月○三○日○記○
符○載○從○樊○漢○南○爲○鹿○門○孟○處○士○求○修○墓○牋○夫○仁○義○
揚○顯○朗○德○之○充○也○惠○慈○被○幽○昧○仁○之○原○也○竊○見○故○

鹿門孟處士浩然納露冲粹仗儒傑立文寶貴重
價吞連城一旦殞落亂替陵茂吁嗟丘隴頽陷荒
圃形或異斧高不及隱永懷若人行路慨然前日
辨覺佛寺峴首亭恭覩明公垂意拳拳將墓文表
隧封起窻窰闔境緇紳幣聞嘉聲風動興感偕至
踴躍然垂休務當時從善貴若流令閣下外迫軍
旅程使之劇內勞賓客俯仰之勤牽耗星歲未遑
指顧常恐旦夕飛踐廊廟纏綿深旨鬱紆不寫則
處士之風流精爽沉翳厚地矣或好事者乘而射

之孤負夙志矣。伏惟閣下醇仁盛德，覆乎草木，除惡彰善，發於鄉黨。割省庶務，凝神絜刻，盼睐官屬，望則首尾實足以副士林之翹翹。慰羈魂之冥冥，事關教化，不主名譽。伏惟慮之，始終幸甚。

聖楷曰：世稱孟浩然以不才明主棄，多病故人疎之句，見擯于明皇。故坎壈以終其身。予觀浩然留別王侍御維詩有云：欲尋芳草去，惜與故人違。常路誰相假？知音世所希。是其胸中原不作富貴想，而獨于友朋之間有似悲似憤者，豈得以世情測

量○之○哉○故○王○維○送○其○歸○襄○陽○云○杜○門○不○復○出○久○與○
世○情○疎○以○此○爲○長○策○勸○君○歸○舊○廬○醉○歌○田○舍○酒○笑○
讀○古○人○書○好○是○一○生○事○無○勞○獻○子○虛○劉○脊○虛○寄○江○
湓○求○孟○六○遺○文○云○南○望○襄○陽○路○思○君○情○轉○親○偏○知○
漢○水○廣○應○與○孟○家○隣○在○日○食○爲○善○昨○來○聞○更○貧○相○
如○有○遺○草○試○一○問○家○人○嗟○乎○浩○然○有○如○此○良○友○亦○
可○老○先○鹿○門○無○憾○矣○况○其○流○風○餘○韻○起○人○咏○思○又○
有○王○士○源○符○厚○之○之○輩○乎○交○情○雅○道○誠○曠○世○而○一○
覩○也○

鍾退菴曰浩然詩當于清淺中尋其靜遠
可故作清態飾其寒窘爲不讀書不深思
之別也若右丞詩雖欲竊其似以自文不可得矣此王孟門豈